

Newyddion gan Ddiogelwch y Ffyrdd Cymru

" Beth sy'n digwydd ym myd diogelwch ar y ffyrdd?" Tachwedd 2010 — Rhifyn 18

Yn y Rhifyn hwn:

- RSW Gwobrau Diogelwch Ffyrdd Cymru • Tystysgrifau Cofrestru Cerbydau
 - Cyngor i Yrwyrr Tractorau • Helmedau Beicio Drewllyd
- Arbrawf Profion Cyffuriau-a-Gyrru •Marchogaeth a Diogelwch ar y Ffyrdd
 - Amser haf Sengl/Dwbl • Diogelwch Cerbydau'n Cwtogi ar Farwolaethau
 - Y Prif Arholwr Gyrru ar Facebook • Euro NCAP Advanced

Gwobrau Diogelwch Ffyrdd Cymru



Yng nghinio Cynhadledd Diogelwch Ffyrdd Cymru ar 21 Medi fe gyflwynwyd eu gwobrau i enillwyr Gwobrau Diogelwch Ffyrdd Cymru 2010. Cefnogir y gwobrau gan Motaquote, Brocer Yswiriant blaenllaw yng Nghymru a'r cwmni sydd y tu ôl i'r i-Kube www.i-kube.co.uk.



Ymhlith enillwyr y gwobrau eleni yr oedd athro, gwirfoddolwyr BikeSafe, pencampwr cymuned, deiliad trwydded McDonald's a'r tîm y tu ôl i'r dvd COW lwyddiannus.

Cliciwch [yma](#) i gael y manylion llawn.

Tystysgrif Cofrestru Cerbydau yn Fwy Diogel

Mae fersiwn newydd a mwy diogel o'r Dystysgrif Cofrestru Cerbydau, y V5C, wedi'i gyflwyno o fis Awst 2010 ymlaen.

Cyflwynwyd y dystysgrif gofrestru newydd ar ôl i amryw o dystysgrifau gwag gael eu dwyn yn 2006. Y nod yw lleihau'r risg bod modurwyr yn prynu cerbyd sydd wedi'i ddwyn neu wedi'i glonio.



Cyhoeddir y dogfennau newydd ers 15 Awst 2010 ar gyfer pob cerbyd sydd newydd ei gofrestru a phan fydd newid i gofrestrriad sy'n bod yn barod, megis newid y ceidwad neu'r cyfeiriad.

O ganol y flwyddyn nesaf ymlaen, cyhoeddir y dystysgrif newydd i bob cerbyd arall pan gaiff ei aildrwyddedu neu pan geir hysbysiad ei fod oddi ar y ffordd.

Bydd y V5C las bresennol yn dal i fod yn ddilys ar gyfer y cerbydau hynny tan y ceir un newydd yn ei lle ac ni fydd y DVLA yn gofyn am i'r hen V5C gael ei hanfon yn ôl.

[Dewch i weld beth sy'n newydd am y dystysgrif gofrestru newydd a chael cynghorion defnyddiol ynghylch prynu cerbyd sydd wedi'i ddefnyddio.](#)

Cyngor i Weithredwyr Tractorau



Mewn ymateb i bryderon a godwyd yng Nghynhadledd Diogelwch Ffyrdd Cymru, mae'r NFU wedi dosbarthu datganiad ynghylch diogelwch ar y ffyrdd i 20,000 o fusnesau fferm drwy ei e-newyddlen wythnosol.

<http://www.nfuonline.com/News/Stay-safe-on-autumn-roads/>

Mae amryw byd o fathau o helmedau beicio i'w cael, gan gynnwys modelau y gallwch chi eu plygu a rhai sydd â goleuadau fflachio ar eu cefn. Yn y dyfodol, fe ddechreuan nhw ollwng arogl arbennig os bydd angen cael un arall yn lle'r hen un. Bydd proses newydd yn gwneud i arogl ddod allan os bydd crac yn y defnyddiau plastig.


Unig ddiben helmedau beicio yw diogelu pen y beiciwr. Ond helmedau cwbl gadarn yn unig wnaiff hynny'n iawn. Yr argymhelliad, felly, yw prynu un newydd bob hyn a hyn, ond does ar neb eisiau taflu helmed sy'n ddigon da. Byddai'n well gwybod i sicrwydd pryd y mae angen gwneud hynny. Mae'n bosibl gwybod oherwydd proses newydd a ddatblygwyd gan wyddonwyr ymchwil yn Sefydliad Fraunhofer yn yr Almaen. Bydd defnyddiau polymer neu blastigion sydd wedi'u cynhyrchu gan y broses yn dechrau arogl os datblygant graciau bach. Bydd craciau mawr yn achosi drewdod mawr. Daw'r arogl o olewau arogleuog mewn microcapsiwla.



http://news.cnet.com/8301-27083_3-20006978-247.html

Arbrawf Offer Profi Cyffuriau-a-Gyrru

Mae'r Llywodraeth yn bwriadu cynnal arbrefion ar offer i brofi a yw gyrwyr o dan ddylanwad cyffuriau.



Gallai'r symudiad hwnnw arwain at gyflwyno'r dechnoleg ar draws holl heddluoedd Cymru, Lloegr a'r Alban cyn pen dwy flynedd.

Mae'n dilyn cyhoeddi adolygiad o broblem gyrru dan ddylanwad cyffuriau a ddaeth i'r casgliad bod angen newidiadau mawr.

Daeth yr adolygiad gan Syr Peter North, a gyhoeddwyd ym mis Mehefin, i'r casgliad bod problem gyrru dan ddylanwad cyffuriau yn "waeth o lawer" nag a awgrymir gan y ffigurau swyddogol.

Mae hynny'n rhannol am fod anhawster profi am gyffuriau yn golygu na chofnodir llawer o achosion.

Ar hyn o bryd, mae angen i'r heddlu gael meddyg i benderfynu a oes "cyflwr y gellid ei briodoli i gyffur" ar y sawl a ddrwgdybir, ac yna rhaid gwneud prawf gwaed.

Mae'n cymryd amser i feddyg gyrraedd gorsaf yr heddlu a gwneud archwiliad – a gallai hynny olygu bod y cyffuriau wedi gadael corff y sawl a ddrwgdybir cyn cymryd sampl o waed.

Mae rheswm arall dros gredu bod y ffigurau cyfredol ynghylch cymryd cyffuriau a gyrru - 56 o ddamweiniau angheuol a 207 o ddamweiniau y cafwyd anafiadau difrifol ynddynt yn 2008 - yn rhy isel. Os yw'r sawl a ddrwgdybir wedi cael prawf anadl a thros y terfyn ar gyfer yfed a gyrru, anaml y bydd yr heddlu yn gwneud profion pellach i benderfynu a yw cyffuriau'n bresennol hefyd.

Yn ddiweddar, rhoes y llywodraeth fanylebau i weithgynhyrchwyr i greu offer profi newydd. Y bwriad yw treialu'r cynhyrchion mewn gorsafoedd heddlu ymhen blwyddyn ac yna'u lledu i'r heddluoedd cyn pen dwy flynedd.



Mae Adran Diogelwch y Ffyrdd yng Nghyngor Bwrdeistref Sirol Pen-y-bont ar Ogwr wedi cysylltu â Chlwb Merlod Llangeinwyr i'w helpu i hyfforddi pob un o'r cant o aelodau ynghylch marchogaeth a diogelwch ar y ffyrdd.

Cytunodd Adran Diogelwch y Ffyrdd yng Nghyngor Pen-y-bont i roi i Glwb Merlod

Llangeinwyr gopiâu am ddim o lyfrau ar ddiogelwch ar y ffyrdd mewn perthynas â cheffylau'n benodol, copiâu o Reolau'r Ffordd Fawr a thabardau Gwelededd Uchel i'w rhoi i bob aelod a fyddai'n cwblhau ei hyfforddiant ffurfiol ac yn llwyddo yn y prawf arholi ar ddiogelwch ar y ffyrdd.

Ar ôl gweld sut yn union y câ'r hyfforddiant ynghylch diogelwch ar y ffyrdd ei roi, cytunodd Arweinydd Tîm Rheoli Traffig a Diogelwch ar y Ffyrdd Cyngor Pen-y-bont, Trevor Taylor, a'r Swyddog Diogelwch ar y Ffyrdd, Gail Calford, y bydden nhw'n barod iawn i helpu Clwb Merlod Llangeinwyr. Meddai Gail Calford, "Roedd yn sialens newydd, ac i ni fel Swyddogion Diogelwch ar y Ffyrdd byddwn ni bob amser yn awyddus i gefnogi rhaglenni arloesol ym maes diogelwch ar y ffyrdd, ond dyma'r tro cyntaf i ni gael cais i helpu gyda cheffylau ac ar raddfa mor fawr.

Yr oedd Gail Calford a Sarah Ness o'r Cyngor yng Ngwersyll Blynyddol haf 2010 y Clwb Merlod, a gynhaliwyd yn Ewenni, i gyflwyno'u llyfrau diogelwch ar y ffyrdd a'u tabardau gwelededd uchel i'r aelodau o Glwb Merlod Llangeinwyr a oedd wedi llwyddo i gwblhau'r rhan gyntaf o'u rhaglen hyfforddi. Meddai Mrs Marion Elliott, Comisiynydd Dosbarth y Clwb Merlod, "Rydyn ni'n ddiolchgar iawn iawn i'r Tîm Diogelwch ar y Ffyrdd. Mae Trevor Taylor, Gail Calford a Sarah Ness wedi bod o gymorth aruthrol i ni ac rydyn ni'n ddiolchgar iawn i bawb am eu help. Rydyn ni wrth ein bodd fod Gail a Sarah wedi treulio diwrnod gyda ni yn ein Gwersyll haf yn siarad â'r bobl ifanc am yr hyfforddiant y maen nhw wedi'i gael, ac am ei fanteision.

Mae'r ffordd mae'n marchogion ifanc ni wedi ymroi o ddifri i'w Hyfforddiant Diogelwch ar y Ffyrdd wedi gwneud argraff fawr arna i; maen nhw wedi bod yn glod iddyn nhw eu hunain ac i'n clwb. Mae'r bartneriaeth rhwng Clwb Merlod Llangeinwyr a Chyngor Pen-y-bont wedi bod yn un fuddiol a llwyddiannus dros ben."

Amser haf Sengl/Dwbl

Mae Cyngor Ymgynghorol y Senedd ar Ddiogelwch Trafnidiaeth (PACTS) yn gofyn am [help](#) i ddarbwylllo'r Senedd i bleidleisio o blaid Amser haf Sengl/Dwbl i arbed bywydau ar ein ffyrdd.

Bydd Mesur Aelod Preifat a gynigir gan Rebecca Harris yn destun dadl ym mis Rhagfyr. Mae'n galw am wneud ymchwil ar draws y polisiau gan edrych yn benodol ar yr effaith y gallai Amser haf Sengl/Dwbl ei chael, ac am arbrawf 3-blynedd ar sail y dystiolaethevidence.



Ers i PACTS ymuno â'r glymblaid Lighter Later ym mis Mawrth eleni maent wedi bod yn gweithio gyda'i gilydd i ennyn cefnogaeth i Fesur Rebecca. Mae i Amser haf Sengl/Dwbl amrywiaeth mawr o fanteision, a chewch weld rhagor amdanyn nhw ar wefan [Lighter Later](#).

Cewch wybod rhagor drwy ddarllen [briffiad polisi](#) PACTS.



Mae'r gwelliannau yn niogelwch cerbydau wedi cyfrannu at ostyngiad o 56% yn nifer y bobl fu farw mewn ceir dros yr 20 mlynedd diwethaf. Daw'r ffigurau o ystadegau'r [Adran Drafnidiaeth](#) a thystiant i'r arloesi yn y diwydiant cerbydau.

Rhwng 1989 a 2009, gostyngodd nifer y teithwyr mewn ceir a fu farw o 2,426 i 1,059, ac mae ffigurau diweddaraf yr Adran Drafnidiaeth yn awgrymu bod cyfradd y gostyngiad yn cynyddu. O 2008 i 2009, bu gostyngiad o gymaint ag 16% yn nifer y teithwyr mewn ceir a gafodd eu lladd.

Mae'r llywodraeth yn cysylltu'r gostyngiad sylweddol hwnnw â datblygiadau diogelwch, gan gynnwys bagiau aer ac ABS. Mae RoadSafe yn llongyfarch peirianwyr a gweithgynhyrchwyr am eu cyfraniad, ond mae dyletswydd ar ddefnyddwyr ceir o hyd i yrru'n gyfrifol.

Mae ystadegau'r Adran Drafnidiaeth yn dangos i fethu ag edrych yn briodol fod yn ffactor a gyfrannodd at 38% o'r gwrthdrawiadau y rhoddwyd gwybod amdanynt i'r heddlu yn 2009. Mewn damweiniau a gynhwysai 27% o'r bobl a gafodd eu lladd, un ffactor cyfrannol, o leiaf, oedd torri'r terfyn cyflymdra neu oryrru o dan yr amgylchiadau.

Gan edrych at y dyfodol o ran atal damweiniau, bydd diogelwch ceir yn cynyddu oherwydd y dechnoleg fwyfwy soffistigedig. Cerbyd delfrydol RoadSafe yw un sy'n cymryd camau i rwystro gwrthdrawiadau. Efallai nad yw honno'n weledigaeth sydd mor bell ohoni â hynny. Yn [eSafetyAware](#) cewch chi wybod am y technolegau diweddaraf ym maes diogelwch.

Driving for Better Business yn dod â Neges Diogelwch i Gymru

Two Aeth dau o'r cyflogwyr mwyaf ym Mhrydain sydd ar flaen y gad wrth hyrwyddo rheoli'r risg i yrwyr galwedigaethol â neges diogelwch i fusnesau Cymru yn y digwyddiad mawr gan [Driving for Better Business](#) a gynhaliwyd ar y cyd â [Heddlu'r De](#) a [Professional Driver Services \(PDS\)](#)



Anogwyd cwmnïau Cymru gan [British Telecom](#) a [Tesco.com](#), ill dau'n aelod-bencampwyr o'r ymgyrch Driving for Better Business a gefnogir gan y llywodraeth, i ganolbwyntio mwy ar ddiogelwch gyrru-wrth-weithio a chwtdogi felly ar wrthdrawiadau ac ar gostau.

Daeth 70 o gynrychiolwyr sefydliadau yn y sectorau preifat a chyhoeddus yng Nghymru i ddigwyddiad Driving for Better Business Wales a gynhaliwyd yn Uned Hyfforddi Gyrwyr Heddlu'r De yng Nghaerdydd.

Yn ogystal â chlywed am y camau a gymerwyd gan British Telecom a Tesco.com i gynyddu diogelwch eu gweithwyr wrth yrru, a lleihau'r risg iddynt, clywodd y cynrychiolwyr gyflwyniadau hefyd gan amryw o arbenigwyr ar ddiogelwch ar y ffyrdd, gan gynnwys cyfarwyddwraig yr ymgyrch, Caroline Scurr, a Nick Croft, Prif Gwnstabl Cynorthwyol a chyfarwyddwr adran hyfforddi Heddlu'r De.

Meddai Rebecca Ashton o PDS, sydd â'i ganolfan ym Mro Morgannwg, "Peth cadarnhaol dros ben ar y diwrnod hwnnw oedd dealltwriaeth yr arbenigwyr ac awydd pob un o'r siaradwyr i rannu ei wybodaeth, ac yn sicr bydd wedi ysgogi'r rhai a oedd yno i feddwl am amryw o bosibiliadau."

Meddai ymhellach, "Bydd PDS yn dal i hyrwyddo diogelwch ar y ffyrdd a'r ymgyrch Driving for Better Business ledled Cymru. Rydyn ni'n gobeithio cynnal rhagor o ddigwyddiadau gyda'r ymgyrch yn y dyfodol."

Bellach, gall hyfforddwyr ceir a gweithwyr proffesiynol eraill ym maes diogelwch ar y ffyrdd gael gwybod yn gyson am weithgareddau Prif Arholwr Gyrru Prydain ar Facebook Facebook.

Mae Trevor Wedge o'r Asiantaeth Safonau Gyrru wedi lansio tudalen swyddogol ar Facebook – ac fe hoffai i chi ei ddilyn a chyfrannu at y gwaith involved.



Meddai Trevor: "Mae fy nhudalen ar Facebook yn ffordd wych o helpu fy nghydweithwyr proffesiynol i gael gwybod am y datblygiadau diweddarara' yn y maes. Dyma un o'r lluo o ffyrdd newydd sydd gan y DSA o roi gwybodaeth i bobl yn gyson."

Bydd yn bwydo i'w dudalen fanylion am yr hyn y mae'n gweithio arno, a phwy y mae'n siarad â nhw ar hyd a lled y wlad. O dro i dro, bydd yn cynnwys newyddion pwysig o'r DSA ar y tudalen.

Cewch anfon sylw i wal Facebook Trevor. Er na all ef ymateb bob amser, bydd yn darllen pob un ohonyn nhw. Edrychwch ar dudalen Trevor, ac i ddechrau ei ddilyn ar Facebook ewch i facebook.com/trevorwedge

Euro NCAP yn Datgelu Datblygiadau Arloesol Gorau Heddiw ym myd Diogelwch

Euro NCAP Advanced yw menter Euro NCAP mewn ymateb i'r datblygu cyflym ar y technolegau newydd sydd ar gael wrth brynu ceir nad oes asesiad annibynnol ohonynt. Drwy wobrwyo uwch-dechnolegau, mae Euro NCAP yn awr yn cynnig ysgogiad i gynhyrchwyr ceir i gyflymu gosod offer diogelwch pwysig yn eitemau safonol ar draws eu holl fodolau yn ogystal â chynnig canllawiau mwy cynhwysfawr i ddefnyddwyr ynghylch diogelwch ceir newydd a'u helpu i brynu'r car iawn.



Mae'r sefydliad wedi gwobrwyo'r set gyntaf o gynhyrchwyr am eu hymdrechion i ddatblygu nodweddion diogelwch newydd. Dyma'r uwch-dechnolegau a wobrwwyd yn 2010:

Audi Side Assist
BMW Assist Advanced eCall
Honda Collision Mitigation Braking System (CMBS)
Mercedes-Benz PRE-SAFE® a PRE-SAFE® Brake
Opel Eye
Peugeot Connect SOS a
Citroën Localized Emergency Call
Volkswagen Lane Assist
Volvo City Safety
Cewch wybod rhagor [yma](#)

Cysylltwch â'r Cynullydd

Cynullydd: Steve Baker, RoSPA sbaker@rospa.com

02920 250 600

Nid yw RoSPA yn gyfrifol am gynnwys gwefannau allanol.

